

## Održan zajednički sastanak predstavnika Ureda za reviziju institucija u FBiH i tužilaštava u Federaciji BiH

Dana 04.07.2018. godine, Ured za reviziju organizovao je prvi zajednički sastanak između menadžmenta i revizora Ureda za reviziju institucija u FBiH i tužioca iz Federacije BiH.

Cilj sastanka je jačanje saradnje i unapređenje komunikacije između revizora i tužioca u Federaciji BiH. Navedena aktivnost je predviđena Strategijom razvoja 2017.-2020. i Strategijom za prevenciju korupcije 2017.-2019. Ureda za reviziju, kojom Ured jača svoju preventivnu ulogu u borbi protiv korupcije, te demonstrira svoju važnost za građane.

*„Ured za reviziju i tužilaštva imaju posebnu ulogu u okruženju i velika očekivanja od javnosti. Zato je potrebno da i pored obavljanja osnovnih poslova iz nadležnosti, budemo proaktivni, podižemo svijest o rezultatima našeg rada i kontinuirano radimo na jačanju međusobne saradnje i razumijevanja“* rekao je generalni revizor, Dževad Nekić.

Na sastanku je učesnicima prezentiran rad i organizacija Ureda za reviziju i tužilaštava u FBiH, zatim se razgovaralo o korištenju revizorskih izvještaja od strane tužilaštava, te su dogovorene naredne aktivnosti koje imaju za cilj nastavak saradnje između ovih institucija.

Organizaciju ovog sastanka podržao je USAID-ov Projekt pravosuđa u BiH.

